

RIDI TAKANKA INDIAN BARA KRIOL KIAMKA TAWANKA NANI DUKIARA
(PPIA)



NICARAGUA

ISTIRA DIARA KUM WAN TAKIBA BARA LAHLAKA KABIA BA (FISE)

WARTAKANKA NANI DIARA PASKIWAYA BARA YULA KAHBI KIRA AIKUKI KLAUNA TASBAYA
YAHBRA TANIRA.

RIDI TAKANKA INDIAN BARA KRIUL KIAMKA

TAWANKA NANI DUKIARA (PPIA)

AWASYARI

Daukan kabiaba lika 4.1

Yua: Yahbra kti 29
2019.

Tawanka nina: AWASYARI
Warkka nina: YUKUWAYA WATLA AWASYARI
Upla nani wal Warkka daukaia nina: JOAN TAYLOR
Tawan tabrabri ra nina: WELCOME GRANT (wihta)
Warka wahbi sanka nani: YUKUWAYA WATLA PASKAIA

Nahki tawan ba lahla pliki saki ba

Awasyari tawanka ba kau pali warkka dauki nani ba lih alkaia warkka ba daukisa, upla 70% ba baha warkka ba daukisa. Sindiku ba wina maisapakisa, 62 duritara ba barasa, upla aihkika pali ba naha warkka daukisa, ninkara Bilwi, puerto Cabeza ra, baku sin ai tawanka lama uplika nanira sin atkisa. Duritara dawanka ba lal mana aibapras 100 (andat cordoba) baman yabisa taki waya ba mâna aibapisa, baha warkka nani ba SIRENA bara GTI Tawira wal pura kaikisa.

Pamali 15 kum ba plun mâ mangki sakaia warkka nani daukisa kuna mangki saki ba atkaia dukiara apia sakuna ai watla bilara paia baman warkka ba daukisa, kau pali mangki ba rais, plun tama nani tasbara mangkiba (duswa, badu, tâwa, yauhra, platu), mangki pliska ba unta biarara kabu lamara sa.

Baku sin, waitna 20% ba kiulh miskisa, daiba, kayuk warkka nani daukisa, bahara kasak upla nani ba ai warkka nani pain takisa, duri wal bara ilis wal miskisa, ai iwanka natka kat miski banghwise, ninkara Bilwi tasbaya ra, inska atki watla nanira brihwi atkisa, baku sin, sim miskaia warkka ra daiba kâbura taki nani, kayuk nani sut ba miskaia warkka nanira ai taimka nani mangkisa, duri bara nasa wal sinska miskisa, upla ailal apia 25 waitna, bara waitna wala nani sin inska warkka daukisa kuna yakan apia upla warkka takisa.

Tawan ra kau trabil tara bri ba sika, wan wina tara yamni bri yaia ba kasak pali trabil brisa, baku sin upla kum isitira siknis taki pyua ra panga apu uplika siknis ba lakaia. Haspital watla ra sika apu palisa, baha purkara nurs nani upla pain kaina kahbras. Baha taka upla siknis ba ialal takisa, upla sin mairin kwihra ba pruisa. Naha trabil nani sut tilara almuk lupia nani ba, tuktan nani baku sin mairin kwihra nani kau trabil brisa.

Baha purkara kûl watla kum barasa, kûl smalkanka dimanka yumhpa (3ro) kat man brisa, dimanka walhwalh (4to) nani ba ai tawanka lama Dakura ra wih dimi bangwisa, kûl dadimra secundaria ba ailal palisa. Naha yua nani ra wahma dakni kum Dakura sabat kûlka dimi bangwisa.

Awasyari tawanka ba baiki sakanka kum sa, 10 tawan Sandi Bay piska kumsa, baku sin territorio Tawira tawanka kum sa, Ninayari yahbra saikara barasa, baku sin Uskira, Tasba Raya tawanka nani ba ai lama pali ra sa.

Baku sin, mairin nani asla takanka kum bara sa, kâbu warkka nani daukisa pikineras nani makisa, inska warkka nani daukisa, Miskitu kî nanira taki wih bangwisa; kwala nani, plun piyaya sâtka nani brih wisa, bunu, wâsi nani wal sins munisa, baha ninkara wahbi muni bunu bara wâsi nani ba inska atkaia watla nanira brihwi atkisa. Naha warkkana kau pali ba mairin tiara nani, piyarka nani bara mairin luhpa aisa apu bri nani ba warkana takisa, prari Felix luan wina.

Takrikanka (introducción)

Naha Aisanka na (plan) indian tawanka nani bara Afro –Nicaragua ra mahrikisa, naha lâka nani, aûka yabansa, Banco Mundial FISE wauhkataya web bara, marihkansa krismis kati 2013, (proyecto) ra warkka dauki main kaiki bri wayaia, li klin bara tailit tawan sirpi nani ra, lahla tabaikan Banco Mundial.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Naha warkka alki dauki waya ba indian tawanka uplika nani ra daukan kabia lahla kaba intervención del Programa de Infraestructura y Acompañamiento Social en la Costa Caribe Norte FISE-BCIE.

Tawan sturka luan dahra pawanka wark ka nani dukiara tawan bilara.

Awasyari tawanka ba 1765 mândara paskan, pamali pas taura iwan ba naha taidilka nani sa Morris, Kingsman. Tawanka nina makan ba lika, pas upla nani wih iwan ba, twi wina bali bangwan kan, baha uplika nani ba awas mâ nani ailal brih wan, laulu tila nani ra mangkan kan. Awas ba tara pali pawan kan, laulu dusa nani ra swih luwi pawan, baha wina, Awasyari makan kan, tanka ba lika "Awasa tara".

Miskitu tawanka kum sa, litoral yahbra saitkara sa, yahpika ba 4 km kâbu wal prinhka kumisa, brisa, upla 2,500 brisa.

Anira wayaia kaka natka nani kum man brisa, kâbu bak man takisa, 80% ba upla nani inska warkka wal baman lahla sakisa, 20 % ba, plun mâ nani mangki sakisa.

Watla makanka nani ba tat bara dink wal paskan sa, prias watla 6 brisa (Muribian, Sabat, Iglesia de Dios, Bautista, Asamblea de Dios bara Adbentista), kûl watla kum bara sa kûl takrikan ka (preescolar) bara primaria wal brisa, titan ra bara tutni sin kûl yabisa.

Upla nani li diyaiya ba, li unhta wina dîsa, lakun kum brisa, Krukira bara Pahra tawan baha wal ta mangkisa.

Sîka watla kum brisa kwakan ba ban sa, tawan uplika sut ra, aitani kat sip sîka yabras munisa.

Klauna gabamitka bui upla wapaya yabalka nani simit wal paskan baku sin, pauwa lait 1000 mita kum mangki yaban.

Naha tawankana prari Felix bui kasak utla nani sauhkan, baha mihta upla nani ra kaina kahbisa, baku ba mihta nit ka nani uya barasa yukuwaia watla paski yabaia, pât nani isti ra takbia sin tawan uplika li unra bangwiba baha watlara ai kaina kahbaia.

(b) Tawan sturka nani ba tihura alki kaikanka daukisa

Tawan ta uplika nani ba, asla taki, aisi kaiki wahbi sakansa, wan iwanka natka kat, Awasyari tawanka ba, ta uplika nani klauna gabamitka bui ai wauhkataya nani yaban sa, 10 ta upla nani barasa, wihta, wihta ninka, sindiku, sindiku ninka, lahla ahalkra, vocal, fiscal, almuk nani pura kakaira, mairin nani pura kakaira baku sin wahma nani pura kakaira.

Wihta warkka nani daukaia ba tawan bilara, tawan pawanka nani ba pura kaikaia, baku sin tawan bila trabil nani takisa kaka pablik nani yabaia sa, kuna pat tara nani sa kaka; upla ikan, mairin ra rau munan lâka nani, bara droga trabilka nani ba Bilwi puliska wal aisi mihtara makan kabia.

Mairin nani sin tawan warkka nani ra dimi wark daukisa, mairin bara waitna lâka nani sin praptis takisa, kan mairin nani sin tawan asla takanka bilara wark brisa wibia kaka, Sindika bara sa,

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Sandy Bay tawankara baku sin, tawan asla takankara wark daukisa wibia kaka; aulbra, pura kaikaia bara tawan puliska sin takisa (secretaria, Vocal bara tawan Puliska), baha sut sindiku nanira ilp munisa. Mairin nani ba 30% aisikaikan nani ra asla takisa, wahma, tiara nani lika 25% ba (proyecto) nanira ilp munisa, ai taim ka nani mangkisa, wala nani ba lika inska warkka nani daukisa.

Sindiku tawan bila ra daukaia nani ba, sindiku ba kau pali ba tawan ritska nani ba main kaiki kaina kahbaia sa, sindiku warkka dauki nani ba lahla kum sin tawanra dimras, kan tawan ritska lal mana nani ba GTI tawira ba pura kaikisa, baku sin (klauna gabamitka asla takanka, tawan ritska pura kaiki ba) MARENA, SERENA nani sin pura kaikisa.

Tawan asla taki aisi kaiki ba, baha ba karnika tara brisa, tawan uplika sut bara asla takisa baku sin asla takanka wala nani sin kumira aisi kaikisa, baha aisi kaikanka lâka nani ba kasak karnika tara yabisa tawan bilara bara tnaya tanira diara taki ba sut alki wapni daukisa tawan bui, baku sin tawan ta upla nani ba wahbi saki wala mangkisa.

Mâni bâni tawan ta upla nani wahbi saki mangkisa, tawan asla takanka ba kati wal tilara aima kum asla taki aisi kaikisa, tawan nitka nani ba wal. Tawan ta upla wala mangkaia pyuwara asla takisa kaiki sa, baku sin pat nani bara pyuara, tawan pâwaya warkka nani ba barasa pyuara sin tawan ba aisi kaiki, luki kaiki wapni mangkisa.

Naha tawankara mairin nani asla takanka ba kasak mayara sa, naha yua nani ra, tawan ta upla 10 wahbi sakan tilara mairin warkka ba kau mayara yabansa, lahla aalkra, vocal, fiscal, kuna asla taki aisi kaiki pyuara sip sa baha dukiara aisi kaiki wapni mangkaia, kan mairin nani ba ailal pali aisi kaikan kara wih bangwisa, baku asla takanka wala nani ra sin mairin ba barasa.

Tawan ta upla nani ba, diara sut ra pain pali wark dauki ta brisa, kan klauna gabamitka wal pain wark takisa, apis wala nani sin FISE, MINED, INAFOR bara MINSA. Baku Ong, Raks twilki lalka nani wal, pulis ta upla nani wal, kati bâni tawan ta upla ba, pulis nanira wih aisi kaikisa, baku sin klauna gabamitka ba upla brisa tawan ra yula kahbaia, wark nani, pat nani bara kaka klauna gabamitka mawan ra kahbisa, baku sin klauna gabamitka ba tawan pawanka nani sut ra yula kahbisa.

Tawan ta upla nani ba, tawan pawanka nani warkka witin nani ba, ai tawan kara dauki ba witin nani pura kaikisa, baku sin GTI nani ra sin wih tawan trabilka bara nitka nani ba pliki kaikisa, baku sin municipal ra sin, asla taki asikaiki watla nani pain yamni briyaia dukiara, ta upla wala nani ra pliki wal aisanka brisa tawan yamnika dukiara.

Tawan pawanka dukiara wark nani dauki ba, tawan asla takanka ra, maisapakisa dia nani daukan, nahki lahla diman naniba, diyaura yus munan ba sut pali kasak kat tawan ra mahrikisa.

(c) Taura tawan wal aisan ka nani daukan ba klutka ra mahrikaia, tawan ra pain latan maisapakaia, proyecto ra pain ilp munaia ba?

Makabanka daukan yua nani: wis kati 19 ra, 2019 mânka ra
Upla nani makabanka daukan pyuara numbika nani: Waitna 180, Mairin 215.

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Tawan wal aisanka nani brin ba, naha nani warkka daukaia sa:

Tawan ba tingki lâka yabisa klauna kabamitkara baku sin FISE ra sin naha Lukanka pain nani takrikanka nani daukan ba, tawan yukuwaia watla baku brisa adventista priska watla, tawan makabi sa isti pali ra daukbia kan naha yua nani ba, prari pyua nani sa.

Proyecto wark nani dauki ba pulitik wal warbanka nani daukaia apia baku sin upla lâka Saura unsasabra nani ba naha warkka nani tilara dinghkaia apia, baku lika warkka nani sut ba pain daukaia sa.

Pas taura daukaia nani ba, wark pura kaikaia uplika ba asla daukaia, proyecto wark daukbia nani ba yula kahbaia baku sin warkka ba alki kiakanka nani dauki kaia, tawan aslah takan nanira. Upla nani wahbi sakan ba, uplika nani ba wark pain dadaukra kaia, papaskra uplika nanira pura kat kaia, pyua bâni ra wark taki pliskara wih pura kaiki kaia

Tawan ba pramis takisa, tawan diara daukaia nani ba alki daukan kabia, baku sin asla takanka (junta directiva) ba sin daukbia, wark dauki nani ba pura kaikaia, baku sin yukuwaia watla ba pain pian warkka nani taki brih waia.

Tawan ba makabisa pura kaikaia nani, yula kahbaia wark nani dauki ba ilp munaya, apis uplika nani sut aikuki daukaia, wibia kaka; Kluana kabamitka, FISE, GTI, Gobierno municipal sut aikuki aisan kumi wal wark nani daukaia.

Tawan ba kasak ai kupia trabil nani brisa kan prari Felix luan wina proyecto kum istira balan kan bara yukuwaia watla kum paskaia kuna watla ba paskras munan, tawan ba aisisa kli baku takbiara, tawan ba nit munisa yukuwaia watla kum brikaia, baku sin tawan uplika baha haspital watla bribia kaka ai lahla lupia sin sip sa apahki kaia, upla kwihra ba istira siknis taki pyua ra kabu kuk brihwi banghwise Bilwira baku sin pās mana tara pali kulkisa. Tawan ba lukanka mangkisa naha gabamit raya wal kli baku witin nani takbiara.

d) Ulbanka tanka (esquema) kasak daukaia, tawanra makabanka daukbia wark nani dauki auya pyua nani ra

Tawan ra makabi walanka bara aisanka mahrikan ba, wark nani dauki waya ba.

Taura atkan ba:

- 1) wark nani dauki waya ba, wan yapti bila kat daukaia.
- 2) wark dadaukra uplika asla takaia bara wark nani dauki ba pura kaikaia.
- 3) Tawan asla takaia, pura kaikaia wark nani daukaia ba, baha sinska lâka nani ba smalkaia.
- 4) Sîka watla paskaia ba, tawan bui tasbaya ba prisant yabaia sa.
- 5) Aidruban lâs daukisa wark takan ka (Proyecto) warkka daukaia ba auka yabisa baku sin lahla dingkaia ba sin mahrikisa.

Wark nani dauki wayaia ba:

- 1) Tawan uplika nani ra nahki wark takaia ba smalkaia,
- 2) tawan uplika nanira asla dauki wark nani nahki pâwi auya ba maisapakaia bara alki kaikanka (evaluación) nani sin daukaia.
- 3) tawan diara nani yabaia ba (auhya, tat, walpa) baku sin tawan uplika mihta alkaia ba, wark dadaukra ta uplika nani ba wal aisi kaiki ai tanka bribia ba.

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Wark ninkara:

- 1) Asla taki ilp munaia,
- 2) diara nani paskan ba, nahki main kaiki pain brikaia ba smalkaia.
- 3) pura kaikaia tawan watla paskan ba, yus munikaia.
- 4) Apis ta upla wala nani wal sin asla takaia (klauna gabamitka, alcalde, GTI), utla paskanka ba pain main kaiki brikaia, tawan uplika nani watla ba yus muni kaia.

(e) Dia nani ba tawan (Proyecto) wina yamnika brin ba (beneficios) bara lalah bribia tawan uplika nani nahki pain main kaiki brikaia ba smalkaia

Diara nani briyaia ba: tawan watla kum ridi daukaia sa pat nani isti ra taki pyuara yus munaia, pyua prahni ra wark nani ailal kabia.

(f) Dia yamnika nani bara lalah ilpka laka tawan ba Proyecto wina bribia, smalkaia sinska lâka nani pain smalkaia sa diara paskanka nani ba pain kaina kahbi main kaikaia?

Wark takanka ra pat takbia kaka? AU _ APIA: X

Au wisa kaka, dia ba daukaia sa, ani dukia nani ba alki daukaia sa ki proyecto ra apia kaka PPIA ra?

(g) Indian, afro- nicaraguense bara kiamka wala nani ra, wark nani kum kum PPIA kuk daukaia ba, kupia kraukisa ba, naha nani sa

PPIA kuk, nahki wark nani kum kum daukaia ba kupia kraukisa ba baha lika:

1. Nahki sîka watla ba main kaiki kaina kahbia ba smalkanka laka sinska lâka nani bri ba tawan uplika nani ra smalkaia.
2. Upla kaina kakahbra (promotores) nani trabil isti ra takbia kaka, nahki upla ra kaina sunaia ba smalkaia
3. Wahma nani pat bri kaka, kaina kahbaia
4. Mihta warkka nani bara diara paskaia dukia nani ba wark takanka (proyecto) ra dingkia.
5. Gabamit uplika nani bara dakni wala nani sin wal asla wark daukaia
6. Apis uplika nani sut wal aisanka brikaia bara sin ta upla nani gabamint ra bara nani ba sin alkuki asl taki wark nani dauki kaia.
7. Aisanka (plan) nani dauki yula kahbi pura kaiki kaia
8. Proyecto ba alki kaiki kaia

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

**RIDI TAKANKA INDIAN BARA KRIOL KIAMKA TAWANKA NANI DUKIARA
(PPIA)**

Warkka nani	Daukaia nani	Daukaia uplika	Priaska	Warkka takan bila kaiki ba
Tawan ra smalkaia nani ba	Wark takanka wark daukan ba tawan ba pain pura kaiki main kaiKaia	CRACCN	C\$264,000	Aima an smalkan ka nani daukan numbika ba. Tawan aidrubanka ra lahla wal wark nani daukan ba mahrikisa (rendición) numbika
Tawan asla takan ka ba waitna, mairin lâka nani ra ta baikaia sa.	Mairin nani tawan ta uplika nani tila ra dimi wark taki kan ba. Waitna, wairin lâka nani smalkan nani brin ba.			Mairin nani wark takan kara dimi wark daukan numbika ba. Mairin nani tawan ta uplika tila dimi wark dauki numbika ba. Mairin bara waitna nani smalkanka nani brin ba numbika
Wahma, tiara nani trabil bri kaka ilp munaia.	Tawan pawanka ra wahma, tiara pat ka nani ba pliki kaikaia. Tawan pawanka nani ra wahma, tiara nani ba dimi wark daukaia ba, sanska nani yabaia. Wahma, tiara asla takanka ra tabaikaia.			Wahma, tiara nani wark takan ka tila dimi wark daukan numbika. Wahma, tiara nani tawan ta uplika nani tila ra dimi wark dauki ba numbika. Wahma,tiara nani smalkanka nani brin ba numbika.
Tawan uplika wark takanka tilara ai mihta warkka daukan nani ba	Mihta warkka daukaia nani ba nitka tara bri ba uplura wiyia. Wark dauki dakni ba asla taki wark takanka ra dimi wark daukaia. Tawan uplika nani wark takan ka ra ai mihta warkka yaban kaia.	CRACCN bara FISE		Upla nani ba, waitna bara mairin, tawan bila ra warkkara ai mihta wark nani daukan ba

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

RIDI TAKANKA INDIAN BARA KRIOL KIAMKA TAWANKA NANI DUKIARA (PPIA)

Apis ta uplika nani baku sin gabamint lalka sâtkâ bâni wina wal asla taki wark nani dauki kaia	GRACC, GM, GTI, GC sut aikuki asla wark nani daukaia. GC bara el MINSA wal asla taki aisanka nani bri kaia. GC, GRACCN y FISE wal asla taki aisanka nani brikaia.	GRACCN bara FISE wal		Aima an tawan asla taki aisi kaikan sins lâka (técnica) ra daukan ba numbika Kâti yumhpa bâni wark nani nahki auya ba ulbi saki kaia.
Proyecto) ka wark nani dauki balan sut ra, makaban dauki balan nani ba pura kaikaia.	Tawan asla takan (asamblea) wark daukan tnata alkan ba. Kâti bâni wark takan nahki wark nani dauki auya ba mahrikaia. Wark takanka tnata ra balan tawan asla takisa.	GRACCN Tawan Smalki uplika Tawan Warkka uplika	28,000	Tawan uplika aima an asla takanka ra wan ba numbika. Wark daukan sturka nani ba No. Aisanka nani yukuwaia watla painmain kaiki kaina kahbaia warkka dukiara.
	Tawan asla takan wark nani sut daukan ninkara			
PPIA warkka tanka nani ba aisi kaia	Awasyari PPIA ka ba yapti bila Miskitu kat lakaia. PPIA wauhkataya yapti bila kat lakbia ba 50 wauhkataya nani sakaia.		4,400 5,000	
Indian tawan ka aisanka ba warkka takan ka pura kaikaia bara yula kahbaia.	GRACCN bara FISE wal proyecto ra wapi kaikan kabia. Ya nani ra pat yaban nina nani ba. Tawan aidrubanka (asamblea comunitaria)		6,000	Wapi kaikan numbika Aima an pali ulbanka ba brisa pat aima an uplara ta baikan ba Tawan aisi kaikan ba (asambleas) numbika
PPIA alki kaiki kaia	Alki kaikaia smalkanka tawan asla takbia ba wal	Tawan ta uplika	10.000	
Total			C\$317,400	

Nicaragua: Wark takanka nani diara paskiwaya bara yula kahbi kira aikuki Klauna Tasbaya Yahbra tanira

(h) Brukwanka bara aisanka nahki dauki waya ba mahrikaia. Naha (Proyecto) ka bara tawan wal Nahki dauki waya ba sin mahrikaia

Tawan sirpi kabamitka (gobierno comunal) asla daukisa brukwanka bara aisan ka nani ulbi sakan ba. Naha na maisapakisa GTI baha minitka ra wauhkataya ba GRACCN mihtaran mangkisa bara FISE tabrabrira regional bara yabisa, witin bui ansika yaban kabia yu 10 ra. Baha yua nani ra

ansika yabras pyua luisa kaka, FISE kau lalka tara mihtara mangkisa, witin 48 dis yua nanira pat bila aisi sakan kaia sa.

i) Yula kahbaia smatka

FISE bara GRACCN wal, tawan ta upla nani sut aikuki, Indian bara Afro Nicaragua ra ba baku sin kiamka wala nani sin aisanka nani dauki ba yula kahbi kaia sa.

(j) Pura kaia, natkka nani ba tawan ra makabi walan ba naha nani sa

Tawan asla daukaia takrikanra baku sin tnata alkira sin. Tawan asla dauki dia lalah mangkan ba mahrikasa, baku sin Proyecto ba sin tnata alkisa

k) Wark daukaia natka nani pain daukaia pura kaikaia bara yula kahbaia ba naha nani sa

Wark daukan nanira wapi kaikaia, tawan asla taki aisi kaiki kaia.

Aisi kaikan (plan) nani ba Ridi kabia pyuara FISE kau purara lalka nani ra wauhkataya ba blikaia sa (Oficina de Gestión Social) auka yabaia baku sin lahla yabaia ba sin auka yabaia sa.

PPIA ba pat auka yaban pyuara, mahka wark nani daukan kaia wark takanka (Proyecto)ba. FISE (Central) kau purara ba kainara aimakbia pura kaikaia bara PPIA ba sin alki kaikanka daukikaia.

(l) Indian tawanka bara Afro Nicaragua aisanka nani ba aisi saki kaia: Aisi sakan yua nani ba PPIA, FISE wauhkataya web ra: waupasa kâti 2015 ra

Aisi sakaia PPIA klauna gabamitka wauhkataya web ra, gabamit Municipal, GTI (Gobierno Territorial): waupasa kâti 2015